



**Juris Canonici Theoria Et Praxis, Ad Forum Tam
Sacramentale quàm contentiosum, tum Ecclesiasticum,
tum Seculare**

Cabassut, Jean

Lugduni, 1698

II. De Baptismo.

[urn:nbn:de:hbz:466:1-62355](#)

producat, id contingit per accidens ex opposito obice. Ex haec tenus disputatis colligitur ista Sacramenti definitio, ut sit Signum gratiae sensibile ad nostram sanctificationem divinitus institutum.

VII. Hoc denique memoriam tenendum est, ad cuiuslibet essentiam Sacramenti tria exiguntur, materialm, & formam, ^{et} in istri operationem hoc facere intendentis, quod in simili facere consuetudine ^{et} ecclesia: quorum trium si vel unum defit, nequaquam erit Sacramentum. ^{Ita} docet ac definit Florentina Synodus in Decreto Unionis.



C A P U T I I.

De Baptismo.

I. **R**IA Sacraenta characterem indelebilem in anima imprimit, ideoque nunquam iterari possunt, scilicet Baptismus, Confirmatio & Ordo. Sic enim sanxit Concilium Trident. sess. 7. de Sacramentis in genere, can. 9. *Si quis dixerit in tribus Sacramentis, Baptismo, Confirmatione & Ordine, non imprimi characterem in anima, hoc est signum quoddam spirituale & indeleibile, unde ea iterari non possunt, anathema sit.*

II. Triplex recensetur Baptismi genus. Primum aquæ, qui solus ad Sacramentum pertinet. Secundum flaminis ac spiritus, qui est perfectus a Deo ipso infusus amor Dei, aut perfecta, & a Spiritu Sancto excitata contritio cordis. Tertium est sanguinis ac martyrii, qualis fuit sancta Emerentiana, sancti Genesii & aliorum Martyrum, quos aquæ Baptismus non abluerat. Horum enim singula Baptismata possunt ad salutem aeternam sufficere, can. *Baptismi vicem*, de consecrat. dist. 4. modò contineant Baptismi Sacramentum in voto.

III. Quando probabiliter dubitatur, an fuerit aliquis baptizatus, hic erit sub ista conditione baptizandus: *Si baptizatus es, ego non te baptizo; si non es baptizatus, ego te baptizo in nomine Patris, &c.* cap. 2. de Baptismo.

IV. Quanvis forma Baptismi, aut aliorum Sacramentorum non ad Grammatices amissim ex balbutie aut imperitia linguae, aliisque ex casu pronunciaretur, si tamen servetur juxta communem intelligentiam verborum sensus & significatio, non ideo minus erit validum Sacramentum, neque quidquam debet iterari. Idcirco in can. *Reuelerunt*, de consecrat. dist. 4. declaratur validus Baptismus, in quo fuerat ita pronunciatum: *Ego te baptizo in nomine Patris, & Filias, & Spiritus sanctus.* Proclivius tamen est ut irrita sit forma Sacramenti, si verborum immutatio contingat in ipsa.

ipso initio vel medio , quām in fine dictionis ; ut si diceretur , In nomine Maris , & Milii , & Miritus manēli ; quia in fine non immutatur verbi substantia , sed casus ; atque ita immutatio ista solum est accidentaria , nec substantialis , juxta S. Thomam 3. p. q. 60. art. 7. ad 3.

V. Effectus Baptismi quinque recensentur : 1. Gratia sanctificans cum donis Spiritus Sancti , & virtutibus infusis ac supernaturibus. 2. Remissio omnis culpæ , & originalis , & actualis quoad adultos suscipientes. 3. Remissio totius penitentiae quoad futuram vitam , & temporalis quæ luenda esset in purgatorio , & aeternæ quæ in inferno. 4. Characteris in anima impressio. 5. Subjectio sub Ecclesia potestate , ad quam Baptismus quasi janua introducit.

VI. In adultis Baptizandis prærequisitur fides ad hujus Sacramenti gratiam suscipiendam , necnon voluntas Baptismi suscipiendi : item dolor de peccatis cum proposito futuræ emendationis , juxta illud Act. 2. vers. 38. Penitentiam agite , & baptizetur unusquisque vestrum. Aitque Augustinus lib. de vera & falsa penit. cap. 18. Baptismus sine penitentia nunquam profuit ei qui spontaneè peccavit.

VII. Dispositione ad Baptismum necessariæ opponitur fictio , ut idem docet Augustinus. Sicut autem dispositionum ad Baptismum quadam necessaria sunt ad valorem Sacramenti , ut est in adulto voluntas suscipiendi Baptismum ; aliae ad effectum duntaxat & gratiam Sacramenti , ut fides , & penitentia : similiter fictionum aliquæ impediunt ipsam Baptismi substantiam , aliorumque Sacramentorum , ut quum aliquis ex sola dissimulatione & sine intentione interna abluitur ; aliae validitati Sacramenti minimè obstat , sed quibusdam ejus effectibus , ut gratia , remissioni peccatorum , debitateque eis penitentia ; sed non characteri , aut sub Ecclesia subjectioni. Attamen cum primum fictio ista desinet per sequentem veramque penitentiam , tum denum , ut docet S. Augustinus lib. 1. de Baptismo , cap. 12. effectus omnes Sacramenti qui fuerant in suspenso , resultabunt & de novo producentur. Hoc fictionis genus consistit in defectu penitentia , aut in affectu ad aliquod lethale peccatum.

VIII. Disputat idem Sanctus Doctor de fictione , lib. 1. de Baptismo contra Donatistas , cap. 11. 12. & 13. occasione objectionis Donatistarum quærentium , an per Baptismum ab ipsis Donatistis collatum remitterentur peccata , & Spiritus Sanctus daretur , an non ? Si enim remittantur peccata : ergo in schismate Donatistarum fit peccatorum remissio , & confertur Spiritus Sanctus ; quæ res arguit veram esse penes Donatistas fidem & Christi Ecclesiam. At si non remittuntur peccata per Donatistarum Baptismum : ergo denud baptizandi sunt à Catholicis quotquot à Donatistis baptizati ad unitatem redeunt Catholicæ Ecclesiæ. Hoc argumentum disolvit Augustinus cap. 12. hac responsione : Valere quidem in Donatistarum schismate collatum Baptismum , non tamen salutem operari quo tempore.

tempore confertur, sed tunc primum duntaxat, quando sic baptizatus ad pœnitentiam & unionem Ecclesie Catholice convertetur.

I X. Utrum vero aliorum à Baptismo Sacramentorum, absque debita dispositione, atque indignè susceptorum gratia reviviscat, disputant Scholastici Theologi, atque in varias discinduntur opiniones, aliis hoc soli Baptismo proprium afferentibus ob summam ejus necessitatem, quæ aliunde reparari non possit; alii hoc extendunt ad alia duo Sacraenta quæ characterem infingunt, neque possunt iterari; alii denique id omnibus Sacramentis astringunt esse commune: ipseque S. Thomas diversis locis diversa & opposita docet; quæ causa est ut in quæstione ista discipuli ejus inter se dissentiant. Hoc unum à cunctis citra exceptionem Catholicis afferuntur, indignè suscepti Baptismi gratiam reviviscere per subsequentem pœnitentiam: in ceteris vero Sacramentis nihil de hac re indubitatum referri, sed omnia niti conjecturis & rationibus ambiguus.

X. Non modò collatus ab heretico Baptismus valet, neque permittitur iterari, juxta editam à Sancto Stephano Pontifice & Martyre definitionem adversum aliquot Africana Concilia, ipsosque sanctos Episcopos Cyprianum Carthaginem, Dionysium Alexandrinum, & Firmilianum Cœlaenensem ex Cappadocia, qui oppositum dogma tuebantur: sed valet etiam Baptismus à non baptizato quovis homine, etiam Iudeo vel Paganum collatus, dum habuerit intentionem id faciendi quod facit Ecclesia. Sanè quæstionem istam de ministro Baptismi non baptizato ac infideli serius dijudicavit Ecclesia, neque hac de re quidquam alterare ausus fuit Sanctus Augustinus, sic dicens lib. 2. contra epift. Parmeniani, cap. 13. Et hoc quidem alia quæstio est, utrum & ab his, qui minquam fuerint Christiani, possit Baptismus dari: nec aliquid temere inde affirmandum est sine autoritate tanti Concilii, quantum tanta rei sufficit. De iis vero qui ab Ecclesia unitate separati sunt, nulla jam quæstio est, quin & habeant, & dare possint. Hactenus Sanctus Doctor. Cæterum quæstio hæc ipsa postmodum soluta fuit à Nicolao I. Pontifice, cap. 204. responsionis ad consulta Bulgarorum; valero scilicet Baptismum ab infideli non baptizato datum, qui cætera adhibuerit quæ sunt necessaria, ut refertur de consecrat. dist. 4. can. A quodam Iudeo. Quod idem ante Nicolaum definiverat Concilium Compendiense articulo 9. anno Christi 757.

X I. Id quod superiore art. 3. dixi de dubio facti, an aliquis fuerit baptizatus, extendi potest ad reliqua Sacraenta, & ad Ecclesiæ consecrationes, de quibus ambigitur. Sic enim decernit Concilium Carthaginense V. can. 6. itemque Africanum generale: *Si de facto Baptismi, Confirmationis, Consecrationis dubitetur, nec possit illa probatio inquisitione facta succurrere, perinde agendum est ac si nihil horum factum fuisset.* Citatur à Gratiano in can. *Placuit de infantibus*, dist. 1. de consecr. Concilium pariter Quinsextum can. 88. necnon Meldense can. 8. ut habetur can. *Ecclesia*, de consecr.

consecrat. dist. 4. eadem tradunt : Sanctus item Leo Magnus epist. 35. ad Leonem Ravennatem , cap. 1. eadem sancit , & allegatur can. Cum itaque, de consecrat. dist. 4. Sanctus Gregorius lib. 12. epist. 31. ad Felicem Episcopum Siciliae , circa med. ita scribit : De dedicationum vero Ecclesiarum dubitatione , super qua inter cetera nos consuluisti , hoc vos ritè tenere debetis , quod nos ab Antecessoribus nostris tradidimus accepimus , id est quoties tam de Baptismo aliquorum , vel de Confirmatione , quam de Ecclesiarum consecratione dubitatio habetur , & nec scriptis , nec testibus certaratio habetur , surum baptizati , vel confirmati , sive Ecclesia consecrata sint , ut baptizentur tales , vel confirmantur , atque Ecclesia canonice dedicentur , ne talis dubitatio Fidelibus ruina fiat : quoniam non monstratur iteratum , quod certis indiciis non ostenditur ritè per alium . Eodem spectant can. Solemnitates , de consecr. dist. 1. Et can. Presbyteri , dist. 68.



C A P U T III.

De Confirmationis Sacramento.

I.  U id conferat Confirmationis Sacramentum , tradit Pontifex Melchiades can. Spiritus Sanctus , de consecr. dist. 5. Spiritus Sanctus , qui super aquas Baptismi salutifero descendit in ipsis , in Fonte plenitudinem tradit ad innocentiam , in Confirmatione augmentum praefat ad gratiam . Et quia in hoc mundo tota etate victuris , inter invisibles hostes & pericula gradendum est , in Baptismo regeneramur ad vitam , post Baptismum confirmamur ad pugnam : in Baptismo abluimur , post Baptismum roboramur . Id commune inter se habent Ecclesia Sacra menta , ut dignè suscipientibus gratiam conferant habitualem , & præterea convenientibus occasionibus & temporibus gratias quasdam actuales , sive specialia quædam auxilia ad peculiares singulorum Sacramentorum fines pertinentia , que dici solent gratiae Sacramentales , cujusmodi sunt in Confirmatione prævenientia quædam , & concomitantia auxilia ad Christi fidem constanter profitandam : idque significatur per sacri unctionem Chrismatis ex oleo bal- samoque compositi , quasi quæ luctatores corroboret , & cor hominis ad pugnam animet atque confortet .

II. In canone Ut jejunii , de consecr. dist. 5. prescribitur , ut jejuni accedant qui sunt confirmandi , & dimoneantur ut prius confiteantur de dicta . Neutrū tamen est ab aliis necessarium ; consuetudo enim passim invaluit ut differatur hoc Sacramentum post horas pomeridianas , atque etiam post vespertinam horam . Et præterea ille sufficienter est dispositus , qui